



Broj: 28-01-30-127-1/26
Sarajevo, 24.07.2026. godine

Na osnovu člana 28. Zakona o državnoj službi u Kantonu Sarajevo („Službene novine Kantona Sarajevo“, br. 31/16, 45/19 i 6/25), člana 60. stav (3), (5) i (6) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), direktorica Kantonalnog zavoda za pružanje besplatne pravne pomoći Kantona Sarajevo, donosi

RJEŠENJE

„, državnoj službenici u Kantonalnom zavodu za pružanje besplatne pravne pomoći Kantona Sarajevo, raspoređenoj na radno mjesto Pomoćnika direktora za krivično i prekršajno pravo, osnovna plaća radnog mjesta na kojem je raspoređena uvećava se za procenat 20%, zbog privremenog obavljanja poslova radnog mjesta Stručnog savjetnika – pravnog zastupnika za krivično i prekršajno pravo, za period od 13.07. do 31.07.2026. godine.

Obrazloženje

Zaposlenica Kantonalnog zavoda za pružanje besplatne pravne pomoći „, državna službenica, raspoređena na radno mjesto Pomoćnika direktora Sektora za krivično i prekršajno pravo, zbog korištenja godišnjeg odmora izvršioca radnog mjesta Stručnog savjetnika – pravnog zastupnika za krivično i prekršajno pravo u mjesecu julu 2026. godine, pored poslova radnog mjesta na koje je raspoređena, privremeno je obavljala i poslove Stručnog savjetnika – pravnog zastupnika za krivično i prekršajno pravo, sa opisom poslova: samostalno pruža pravnu pomoć korisniku besplatne pravne pomoći u svojstvu pravnog zastupnika u krivičnom i prekršajnom postupku, iz nadležnosti Sektora; samostalno zastupa korisnika besplatne pravne pomoći u svojstvu pravnog zastupnika pred sudovima, organima uprave i drugim institucijama; u svojstvu pravnog zastupnika kao branioca po službenoj dužnosti zastupa lica u krivičnom postupku, u skladu sa Zakonom o krivičnom postupku Federacije Bosne i Hercegovine; prati i provodi zakone, druge propise i akte iz djelokruga nadležnosti Sektora; pruža opće informacije o pravima i obavezama korisnika iz oblasti krivičnog i prekršajnog prava; pruža pravne savjete iz nadležnosti Sektora; sastavlja sve vrsta podnesaka (tužbe, žalbe, prijedlozi, odgovori na tužbe, molbe i dr.) koji se odnose na postupke i nadležnost iz djelokruga rada Sektora; sačinjava apelacije; pruža pravnu pomoć u postupcima mirnog rješavanja spora (medijacija); sačinjava podneske međunarodnim tijelima za zaštitu ljudskih prava; samostalno pruža pravnu pomoć za postupke po vanrednim pravnim lijekovima, pred ustavnim sudovima u Bosni i Hercegovini i pred Evropskim sudom za ljudska prava; vrši informisanje korisnika besplatne pravne pomoći o preduzetim radnjama u postupku i o svim drugim činjenicama relevantnim za tok i ishod konkretnog postupka; vodi, po potrebi, upravni postupak po zahtjevima građana za ostvarivanje prava na besplatnu pravnu pomoć iz djelokruga rada Sektora i sačinjava prijedlog rješenja u vezi sa podnesenim zahtjevom; učestvuje u svim oblicima stručnog obrazovanja i usavršavanja, naročito u oblasti međunarodnih standarda, propisa i prakse koji se odnose na poslove koje obavlja; izvršava i druge poslove iz nadležnosti Zavoda, po nalogu direktora Zavoda i pomoćnika direktora.

Odredbama člana 60. stav (3) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), propisano je da će rukovodilac organa državne službe donijeti rješenje kojim se osnovna plaća državnog službenika ili namještenika uvećava

za procenat do 20% za period u kojem, pored poslova svog radnog mjesta, privremeno obavlja poslove drugog radnog mjesta, pod uslovom da ispunjava propisane uslove za obavljanje poslova tog radnog mjesta čije poslove obavlja, dok je stavom (5) propisano da rješenje iz st. (3) i (4) ovog člana mora sadržavati opis poslova koji se privremeno obavljaju, procenat uvećanja osnovne plaće i period za koji se uvećanje odobrava. Stavom (6) istog člana propisano je da kada državni službenik ili namještenik obavlja poslove drugog radnog mjesta, da se rješenje donosi za svaki mjesec pojedinačno.

Shodno navedenom, u skladu sa odredbama člana 60. stav (3), (5) i (6) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), odlučeno je kao u dispozitivu ovog rješenja.

Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije BiH, u roku od 15 dana od dana prijema rješenja, koja ne odlaže izvršenje rješenja.

DIREKTORICA

Emina Herdić, dipl. pravnica



Dostaviti:

- ① Imenovanoj, —
- ② Odjeljenju za COP, —
- ③ U personalni dosije, —
- 4. Arhivi

24.07.2016

31.07.2016. g.